

saligher. hope der sunders. heyl alles
 volkes **D** salighe cruce van ewich^t
 voersien en wtuertoren. du woldeste
 verajrt mytten bloemen der doeghe-
 den. wal toe rechte wordestu cinghe-
 bedet. du blenckest myt miraculen
 en walrukest bouen alle cruden **D**u
 gheneseste die suecten des lichams en
 der sielen. den rechtueerdighen open-
 stu den hemel **D**en sunders ghestu
 ghenade. **D**u verdrueste den duuel.
 ende toe brekeste die helle. en verloeste
 die gheuanghenen **D** cruce alre schoe-
 ste boem ghebenedijt bouen alle holt
 des woldes **D**u biste hogher dan die
 cederboem. breder dan een palmboe
 walrukender dan een cypressen boe.
 edelre dan een balsamboem. vrucht-
 baver dan een wijnstock. better dan
 die olyboem. sueter dan een vighheboe
 groener dan een busboem. stercker dan
 die eken boem. suuerlicker dan die